



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 7

Yangia anidakangma :

Tir Yimiyim

tiryimiyim@aolima

tir yimiyim

TAPAK 10

India-i teimla mesamai tongbang
raratsü aser akoktsü: PM Modi

Italian Open: Nadal
semi final-i iogo



VOL. XVIII NO. 210 (ADOK 210) DIMAPUR

KÜPTOKNÜ (SATURDAY)

MONUPII (MAY) 15, 2021

₹ 5.00



Dimapur nung tang anogo shia nisung aika dak Covid tashidak putetyonga aoba mapang ka, private mozü ki ka nung covid tendangtsü atema kima lenjanglen takdang ka sülöka alidak nisung ka oxygen agiba angur. Dimapur aser temeket nung tan hombar nu nungi yimtsüng aser kiyong ajak nung nisungtem dak covid tendangba sentong tenzüksü renema lir. (Dimapur, May 14,2021).

COVID-19 Nagaland: Nisung 275 dak putet; 13 asü

Dimapur, May 14, 2021 (TYO): Hokolbarnü Nagaland nung nisung 275 dak COVID-19 aliba putet aser nisung 13 asü. Tanü putetertem züngsema nisung ajak agi 17,531 dak kumogo.

"Tanü nisung 275 dak COVID-19 putet. Parnokji Dimapur nung nisung 176, Kohima nung 74, Mokokchung nung 13, Phek nung 6, Mon o Peren nung anana (2) aser Zunheboto o Longleng nung kaka (1) lir" ta Health & Family Welfare Minister, S. Pangnyu Phom-i metetdaksü.

"Maneni, tanü COVID-19 agi shiranger nisung 66 taneptsü nguogo. Parnokji Dimapur nung 41, Kohima nung 18, Peren o Phek nung anana (2) aser Mon, Mokokchung o Longleng nung kaka (1) lir" ta paisa ashi.

Nagaland nung nisung 17,531 dak COVID-19 putetba nungi parnok 13,034 taneptsü nguogo aser tang nisung 3741 anepaludar, ta Minister Pangnyu-isa Twitter nung metetdaksü.

Tanü COVID-19 puteta alir

nisung 13 asü. Parnokji Dimapur nung 8, Kohima nung 3 aser Zunheboto nung 2 liasü. Tanü asürtem züngsema tasür ajak agi 190 kumogo saka parnok 11 bo tanga tashidak ajanga asü, ta State Nodal Officer Dr Nyanthung Kikon-ia ashi.

Hokolbar tashi nung nisung 1,85,822 nem COVID-19 vaccine indang dose 2,39,564 agütsüogo, ta State Immunization Officer Dr Ritu Thurr-ia metetdaksü.

Vaccine agirtemji frontline workers 54,659, healthcare workers 15,248 aser arishi küm 45 ser temapur 1,15,915 lir, ta paisa ashi.

Vaccine agirtem rongnungi nisung 53,742-i dose anaprong agiogo. Parnokji front-line workers 27,813, healthcare workers 10,151 aser arishi küm 45 ser temapur 15,778 lir, ta Dr Thurr-isa shisem.

Brihostibarnü Nagaland nung nisung timtiba dak COVID-19 aliba puteta liasü. Yashi nisung 366 dak COVID putet aser nisung 12 tashi asü.

Assam nung COVID-19 putetertem kimanung poster ayutsü

Guwahati, May 14, 2021 (Agencies): Assam sorkari district ketdangsurtem dang COVID-19 puteta alir kima nung posters yutsütsü atema tetuyuba agütsüogo.

"Lokti nung COVID-19 virus menatepa aoba azioktsü atema iba inyakyim tenzüker" ta sorkari metetdaksü.

"COVID puteta alir kari COVID inyakyim sülen manidakba osangtem angazükogo aser ibaji ajanga parnoki tangar dak menadaksür. Anungji, lokti ajungtsü mechi nung self-isolation mesüra quarantine asürtem ki kima nung osang jangjadaksütsü atema poster ayutsü telemetba agiogo" ta Assam Chief Secretary Jishnu Baruah-i metetdaksü.

Ajisüaka, poster ji COVID-19 puteter self-isolate mesüra quarantine asürtem kima nung dang

ayutsü aser COVID-19 negative putetba sülen agientsü, ta paisa ashi.

Tesüiba anogo ishika Assam nung Covid kanga puteta arur saka Hokolbarnü Chief Minister Himanta Biswa Sarma-i hopta ana tsüngda ajemtsü imlaba osang metetdaksüogo.

"Taruba hopta ka tsüngda Guwahati, Tinsukia aser Dibrugarh nung COVID-19 tensa tajungba mekümrä State sorkari inyakyim akangshitsüsa aküimtsü" ta CM Himanta-isa ashi.

Hokolbarnü Assam nung COVID-19 ajanga nisung 76 asü. Parnok züngsema tasür ajak agi nisung 2060 kumogo.

Maneni, tanü nisung 4078 dak COVID-19 aliba putet aser parnok züngsema nisung 3,19,632 kumogo. Tanü putetertem rongnung parnok 1107 tashi Guwahati aser temeket nungi lir.

Nagaland nung anogo tenetnü 'total lockdown' tenzükgogo

Dimapur, May 14, 2021 (TYO): Nagaland nung COVID-19 virus prokshiba noktangtsü atema meranga inyaka arur aser virus menatepa tajungba nung azioktsü atema taonung nungi state ajungalen total lockdown tenzükgogo.

Taonung nungi tenzüker May

21, 2021- anogo tenet tashi total lockdown alidang nisungtem senzüsönbongba noktangtsü ta state sorkari metetdaksüogo.

Ajisüaka, tenokdangba kübok essential services den public-i nüngdakba maparen kar madener.

Nagaland nung total lockdown mapang anepdang 6:00 ako nungi

anüngdang 12:00 ako tashi grocery, vegetable, fish & meat, milk booths, bakery, hardware, electrical aser electronics dokantem lapoktsü.

Iba mapang health department-i nisungtem dak nungi sample bendena Covid-19 tendangtsü.

Kohima nung total lockdown akangakanga alitsü

Dimapur, May 14, 2021 (TYO): Kohima District Task Force on COVID-19-i May 14, 2021 nü senden amendang Kohima district nung total lockdown indang inyakyim akangakanga inyaktü telemetba agiogo.

DTF-i district nung inyakyim shitik inyaktü aser aibelenertem Disaster Management Act 2005 nung lateta aliba ama merenshitsu lemet.

Gari aser nisungtem senzüsönbongtsü atema permit system ka tenzükgogo aser iba ya kodamasüba tensa ajururtem atema lir, ta DC aser DTF Chairman, Kohima, Gregory Thejawelie NCS-i ashi.

BOC, High School junction, Super market aser Keziekie ama tongtipang shishilembadak

shibangtsü saka anepdang 6:00 ako nungi anüngdang 12:00 ako tashi wholesaler dokantem lapokdaksütsü. Colony/ward aser yimtsüngtem nung nüngdakbatem peria angutsü atema wholesaler lapokdaksütsü aser ibaji KMC-i ketdangtsüa reprangtsü.

Agriculture aser allied activities atema jembidang nisungtemi jila adena senzütsü atema pei pei yim ketdangsurtem dang nungi kulikaket meshitsüla ta Kohima District Task Force on COVID-19-isa lemet.

Kohima nung ward aser colony ketdangsurtemi pei pei telongtet nung aayangertem state adena meyoktsü atema reprangtsü mapa lezmüktsü. DTF-isa All Kohima Municipal

Wards and Panchayats (AKMWP) dang pei pei colony/ward nung non-essentials mesenzüdaksüi azioktsü mepishia liasü.

Senden nung mendenji DC Gregory Thejawelie NCS liasü aser Technical Education & Election Advisor, Medo Yhokha aden.

"Asenoki teinyaktsütem renemaka anogoshia tayongzükba tasentem ajurur, anungji nisung ajaki tashi angatsü aser shisa kaa tensa den apet mapa inyaktü ayongzük" ta Medo Yhokha-isa ashi.

Senden nungsa Covid agi shiranga asüba mang anepalutsü aser shirangba yimya malirtem home isolation indang onüktem benoka jembi.

Mkg nung Covid-19 vaccine tasembuba shilem agütsütsü

Mokokchung, May 14 (TYO): Mokokchung nung Hombar nungi tenzüka arishi küm 18 nungi 44 tsüngda alir nem Covid-19 vaccine agütsütsü.

May 14 nungi küm 18-44 tsüngda alirtemi vaccine agitsü atema online registration aser booking tenzükgogo. Cowin aser Aarogya nung tenüng agütsütetsü agitetsü aser taoba mapang tenüng agüja alirtemi ano tanaben tenüng agütsüshitsü metetdaksüogo.

Nisung kati registration asüdag amshiba identity card vaccine agidaki bener arutsüla ta ketdangsurtemisa ashi.

Arishi küm 18 nungi 44 tsüngda alir nem Covid-19 vaccine agitsüba anogo telemsa:

Hombar : District Hospital aser Urban Primary Health Centre
Mongolbar: District Hospital, Urban Primary Health centre, Tuli, Mangkolemba, Changtongya.

Maneni arishi küm 45 nungi

temapur nem Covid-19 vaccine Bodhbar aser Brihostibar District Hospital nung agütsür.

Hombar nungi Brihostibar tashi anepdang 10:00 ako nungi nikongdang 4:00 ako tashi vaccine agitsü akok.

Covishield vaccine mezüng dose agütsürtem nem anogo 42 masü saka anogo 84 sülen ang tanabuba dose agütsütsü ta ketdangsurtemisa metetdaksüogo.

Covid-19 agi asürtem nem temeten agütsütsüla: NHRC

New Delhi, May 14, 2021 (Agencies): India nung Covid-19 agi shiranga asüba tasümgangtem tim mesüi amshiba osangtem angazükba nung ajemdaker National Human Rights Commission (NHRC)-i Hokolbarnü Centre dang tasümgang timi anepalutsü atema ozüng ka latetsü shiogo.

Tasürtem nem akhümtsübu aser temeten agütsütsü atema ozüng balaka yanglutsüla, ta NHRC-i metetdaksü.

Parnokisa tasümgang aika külemi aremba/rongdokba mesüra bendenbaji tasürtem temeten alema inyakba lir anungji yamaji meinyaktsüla ta metetdaksü.

National Human Rights

Commission (NHRC)-i Ministry of Home Affairs, Ministry of Health & Family Welfare aser state/union territory sorkartem dangi iba dak sendakba atema shiditem zülüogo.

"Tasürtem indang temetentem kümzüka ayutsübaji sorkar indang teinyaktsü lir. India nung tasürtem indang temeten kümzüka ayutsü atema ozüng balaka yanglua mali, saka international covenants, Supreme Court aser high court balala obendang agüja lir. Item dakji alia sorkar balalai mapang shia Covid-19 inyakyim den putepa tasür nem akhüm agüja mang aremstü/ rongdoktsü indang tetuyubatem agüja arur" ta NHRC-i shidi nung shia lir.

Linük nung nisung aika Covid-19 ajanga asüba nung ajemdaker ketdangsurtemi temporary crematoriums yanglutsüla. Iba ama tensa ka nung electric crematoriums amshitsü ajungmesotsüla, ta parnokisa ashi.

"Tasürtem nem akhümtsübu aser temeten agütsütsü atema cremation/burial ground staff dang mang timi anepalutsü angatetdaksütsüla. Talisa, parnoki tetsübu mesüra lendong kecha melii mapa shitik inyaktü atema safety equipment aser facilities agütsütsüla" ta NHRC-isa metetdaksü.

May 13, 2021 tashi nung India nung Covid-19 puteta alir nisung lakh 2.62 tema süogo.

Mon district nung aliba nūburtem asoshi totuyuba kar agütsü

Dimapur, Monupii/May 14 (TYO): Deputy Commissioner, Mon, Thavaseelan K, IAS ajanga sangdong ka nung May 14, 2021 nungi May 21, 2021 tashi Mon district nung nūburtem asoshi totuyuba kar agütsü.

Tsünglanglen mela alirtem dak alaka lockdown mapang inyaksangshi aser nisung senzūsempongba ajunga nokdangtsü:

i. Tongtipang osettem/jang-o-tzü aser oxygen/oxygen cylinder densema medical supplies aser danga medical osettem abenba garitem senzütsü melar.

ii. Healthcare facilities, pharmacies, mozüki, clinics, nursing homes, shiruru anepaluba healthcare nung inyaker, COVID-19 vaccination, COVID-19 tendanger aser medical emergency ajunga senzütsü melar.

iii. Governor indang Secretariat, Chief Minister indang Office, Chief Secretary indang Office, Guwahati High Court Kohima Bench and District Courts, District Administration, Police, Security forces, Fire & Emergency Services, Home Department, Medical, Postal Services, NIC, NSDMA, Home Guards & Civil Defence, SDRF, Power, PHED, Food & Civil Supplies, Finance, Taxes, Treasury & Accounts, Banks/ ATMs, IT&C, IPR, AIR aser Doordarshan, Sakhi One Stop Centre densema Social Welfare Department, Women Help Line, Child Protection Services, Anganwadi Services, LPG Services (delivery, alemba aser belenshiba densema), Private Water Tanker/ Carriers, Prison aser sendaktepa aliba services, Courier Services, mürekmejuba amala Municipal Services aser Food Corporation of India (FCI) nung inyaker tem senzütsü melar.

iv. Aluyimba aser sendaktepa aliba inyaksangshi

asertang ki-o-jen teyangludak alirtem melatsü saka contractor/kiburi COVID-19 yimyatem shidak amshitsüla. Mapa inyakba tesem nung aliba mapa inyaker/aayanger tem melar saka dangalen nungi mapa inyaker tasen anir marutsü. Maneni mapa inyaker tem parnok aliba camp nungi mapa inyakba tesemi aotsü atema contractor/kiburi anepalutsüla.

v. Petrol pump tem lapoktsü aser nisung tali madenshidaktsütsüla.

vi. Electronic aser print media, telecom/internet service agütsüba dak sendakba nisungtem ajak senzütsü melatsü.

vii. Aonsotsü, ango/shi aleper, mamatzü agütsüba tesem, bakeries, jang-o-tzü ayokba, hardware, electrical aser electronics dokan aser shiruru atema chiyongtsü ayokba dokan ajak anepdang 6:00 ako nungi anügdang 12:00 ako tashi lapoktsü.

viii. Nūburtem dang tongtipang aser nūngdakba osettem pei aliba ward/colony telungzük nung dang lilyongtsü ajungshir.

ix. Anenzüktsü atema hotel tem staff tajemba yur lapoktsü melatsü. Maneni restaurant tem nung achi-ajemba memelatsü. Saka parnok ki tonga bener oa agütsütsü akok. Food delivery, grocery delivery aser danga e-Commerce Service agütsürtem melatsü.

x. Asüpila sentong nung nisung 20 dak tali madentsü.

xi. Lokti adenshiba tesem ajunga shibangtsü aser lokti/yimtenren/ saisapong/wawamenü/shisaliok/sobaliba/tamangba yimsü sentongtem aser danga lokti tulu adenshiba ajak nokdang saka District Task Force dang nungi jelia temelaba agi kiyimba kulizüing agütsüba sentong agitsübo melar, saka yangjia nisung timba agi 20 dang adentsü akok.

xii. Private aser public transport garitem senzüba ajunga anena atatsü saka medical emergency atema gari nung shilem 50 dang mener COVID-19 meratem agir senzütsü melatsü. Tanünga ajak nung District Task Force dang nungi temelaba agitsüla. Village Council shiai jila nungi yimtsüing tongtipang osettem belentsü atema gari ka mesüra ana melatsüla. Iba amala gari nung nisung ana dang senzütsü melatsü.

Ajisüaka Serial Number (iii) nung shia aliba department atema gari senzütsü ID card tejangja sayutsüla.

xiii. Nagaland state-i aiter aser meyipa shilangertem atema April 29, 2021 nü Revised Standard Procedure (SOP) sangdong nung shia aliba ama inter-state transit passenger tem senzütsü maneni melatsü.

xiv. Heads of Department/ Head of Offices temi ajungben rongdak nung ketdangtsü aser court case tem densema tongtipang mapatem inyaksü atema pei department nung 'core group of officers/staff' shimtetsüla. Tanünga sorkar mapa inyaker ajak nūngdakba mapang yariteptsü renema alitsüla.

xv. Item totuyuba ya District Task Force/Block/Sub-Divisional Task Forces, Village Task Forces aser Ward Task Forces ajanga kanga junga benoka amshitsü. Menüngdakba nisungtem senzūsempongba noksangtsü atema District entry point nung checking alitsü.

xvi. Iba totuyuba nung alibelenba kija/lokta kar danga lira, Indian Penal Code indang Section 188 aser Disaster Management Act 2005 kübok aibelenba ama temerenshi alitsü.

Mon District nung total lockdown ya May 14, 2021 nikonngang 6:00 ako nungi tenzüka May 21, 2021 tashi alitsü, ta sangdong ajanga ashi.

Padumpukhuri ghonda 72 atema shibangtsü

Dimapur, Monupii/May 14 (TYO): Yimtsüing nung COVID-19 tashidak wara menatempa aoba süngzü raksatsütsü mechi putu menden ajanga yimtsüing shibangtsü telemtetba agiogo, ta Padumpukhuri village council ajanga sangdong ka nung ashi.

Sorkari May 14, 2021 nikonngang 6:00 ako nungi May 21, 2021 tashi lockdown benokba nung bendenloksema council-ia telemtetba kar agiogo, aser itemji:

1. Yimtsüing telungzük nung May 14, 2021 nikonngang 6:00 ako nungi May 17, 2021 anepdang 6:00 ako tashi Pharmacy dak alaka tanünga dokan ajunga shibangtsü.

2. Emergency aser medical duty dak alaka yimtsüing telungzük nung auto densema gari senzūsempongba ajunga

nokdangtsü.
3. Nūburtem menüngdakba nung senzūsempongba mittsü.
4. Iba mapang (ghonda 72) kisü-jensür densema dangar shinga yimtsüing telungi aittsü memelatsü.

Iba den külemi yimtsüing aita tesemtem (entry point) mita anüktsü atema kin shia entry point lemzütsüogoo. Iba atema Main Gate entry point ya Sumi kini anüktsü, Wongrum entry point ya Kachari kini anüktsü, Aoyimti to Padumpukhuri entry point ya Ao kini anüktsü, Dubaogaon main entry point ya Rengma kini anüktsü, Toluvi to Padumpukhuri entry point ya Lotha kini anüktsü, aser Toluvi Road to Padumpukhuri ground entry point tya Garo, Nepali aser ENPO kintemi anüktsü.

Dimapur nung ki-o-jen kar lapoker

Dimapur, Monupii/May 14 (TYO): Sorkar totuyuba nung aliba ama mera ajak agiba sülen Dimapur nung office pezü lapoktsü atema Deputy Commissioner & Chairman, DDMA, Dimapur, Rajesh Soundararajan ajanga totuyuba agütsüogoo.

Item office ji, State Bank of India, Regional Business office, Supermarket complex; State Bank of India, Main Branch; Development Authority of Nagaland aser Mahindra Truck and Bus Division office (Chabou & Co), 6th Mile, Dimapur nungertem alitsü.

Longleng nung tapi agi COVID-19 tendanga jaja



Longleng town nung May 12, 2021 nü tapi agi nūburtem dak nungi sample bendena COVID-19 tashidak tendangtsü lia Deputy Commissioner & Chairmen, DTF, Longleng, M.Shayung Pho maser medical team külemi tangokba noksa ka yangi angur.

Dimapur, Monupii/May 14 (TYO): District Task Force, Longleng tawabangba kübok medical department ajanga Longleng jila nung May 11 & 12, 2021 anogotem nung tapi agi COVID-19 tashidak tendanga jaja liasü.

Iba sample ya dokan kibur, restaurant/hotel nung inyaker, Coolie/Day labourer, workshop nung inyaker, Bus/Taxi anir aser pharmacy nung amener dak tendanga liasü.

Iba mapang sample 80 tendanga nungi nisung ti dak COVID-19 positive puteta liasü. Iba tashidak puteter nem mozü agitsü tuyuba sülen kidang isolate asütsü ashi. Maneni COVID-19 aser lockdown dak sendakba osang tali tejangjaba aginertemi DTF Longleng helpline no. 7630968122 ajanga tongteprateptsü akok, ta sangdong ajanga ashi.

Kohima police-i ozüing nung aibelener nisung asem apu



Dimapur, Monupii/May 14 (TYO): Kohima Police temi May 14, 2021 anepdang 11:00 ako meta NH-29 nung gari mita

aoba mapang Maruti 800 gari (registration No. AS06C-1949) ka anendakja yangji nokdanga aliba cough syrup bottle 400 den

McDowell Rum cases asem nguteta liasü.

Iba dak sendakba nung gari nung mena alir nisung asem pua tapet tzüzüing-ozüing kübok ken o ka benokogo, ta sangdong ka ajanga shi.

Pua alirtem ya Zunheboto district kübok Vill/PO/PS Aghunato kübok nungi Hukei Yephthomi'er jabaso arishi küm 26 tain Enato Yephthomi, Zunheboto district nung PO/PS Aghunato kübok Viyixe yimtsüing nungi Hewoto'er jabaso arishi küm 32 tain H. Paul Aniche aser Tuensang district nung PO/PS Chessore kübok Huker yimtsüing nungi Luchang'er jabaso tang Aghunato nung telidak arishi küm 39 tain Kekong Yim, ta jangjatetogo.

CM Rio-i Neisatuo Keditsu asükhu lemsatep

Dimapur, Monupii/May 14 (TYO): Yasüing Dimapur nung Neisatuo Keditsu asüba osang angashia ni kanga jashir, ta Nagaland Chief Minister Neiphu Rio-i sangdong ka ajanga ashi.

Asür Neisatuo Keditsu ya Dimapur nung senso tejangja ka liasü aser taoba mapang yimti renloktsü atema pai anir mapa balala inyakba atema ajaki pa akumtsüba liasü.

Pa ya social worker ka liasü, shibai angati aser terenlok mapa aika nung shilem agiogo aser yamaji tepetzük tia nung alirtem yaria liasü. Pai inyaka yutsüba

mapa tajung ya tarutsü putui bilemtetsü, ta Chief Minister Rio-i ashi.

Asür Keditsu aser par kibong ya ozü kibong den tesendaktep tajung liasü. Ajak asoshi ibai tejashitsü mapang lir, saka pa tetetsü aketba takum ka liasü ta angateta temolung süngzüker. Pa onok molungjang nung teti alitsü, ta Rio-isa ashi.

Ozü kibongi mangyimer kibong den asükhu lemsateper aser Tulusang Tsüingremi asür tanüla teti tatem maka tesunep nung anisüingzükjang ta sarasademer, ta sangdong ajangasa ashi.

Guwahati, Dibrugarh aser Tinsukia nung dang lockdown asütsü akok



Hokolbarnü Assam Chief Minister Himanta Biswa Sarma-i Gauhati Medical College and Hospital nung COVID-19 atema senden ka ayonga amendang agiba noksa angur. Tanü pai GMCH nung COVID-19 agi shirangertem atema yipden 200 renemba maparen reprangdanga liasü.

Guwahati, May 14, 2021 (Agencies): Assam nung alirtemi lockdown asütsü akok ta bilemba mapang ka nung Chief Minister Himanta Biswa Sarma-ibo state ajungalen lockdown asütsü tebilemba mali ta metetdaksüogo. COVID-19 kanga putetba tesemtem nung lockdown benoktsü akok ta paisa ashi.

Hokolbarnü Guwahati nung osangbener den jembidang "taruba hopta ka tsüingda Guwahati, Tinsukia aser Dibrugarh nung COVID-19 tensa tajungba mekümra State sorkari inyakyim akangshitsüsa akümtsü" ta CM Himanta-i ashi. Gauhati Medical College Hospital (GMCH) aser National Health Mission (NHM) nung

doctor aser staff tem den senden ka amenba sülen pai iba osang metetdaksü. Tesüiba dang nungibo tang India nung adokba Coronavirus ya tesashiba lir, ta Assam Chief Minister-isa ashi. May 17 nungi Assam Health Department-i Guwahati nung sample 20 tashi tendangtsü nükjidong lir, Himanta-isa shisem.

Manipur BJP president Tikendra Covid-19 ajanga asü

Imphal, May 14, 2021 (Agencies): Brihostibarnü Manipur BJP president S Tikendra Singh Covid-19 ajanga asü. Pa arishi küm 69 tain liasü. Anogo ishika tejaklen Manipur BJP president Tikendra dak Covid aliba putet aser Imphal nung aliba Shija hospital nung anepalua aru. S Tikendra Singh ajungbena asüba atema Manipur chief minister N Biren Singh-i mangyimba osang metetdaksüogo. "BJP Manipur president Prof. S Tiken Singh asüba osang angashia temolung raksar. BJP Manipur nung tongti nisung ka samaogo, pai nübor aser party atema bendanga agüja

inyakogo. Asür kibong den asükhu lemsateper" ta CM Biren Singh-i metetdaksü. Tikendra Singh ya 1952 küm Bishnupur nung aso aser 1973 küm Banaras Hindu University nungi MA (Philosophy) azüing. Pa university nung azüingdang Jay Prakash Narayan movement nunga shilem agia liasü. Imphal nung aliba Maharaja Bodhachandra College nung pa associate professor ka ama inyaka liasü saka 1994 küm voluntary retirement agir BJP nung aden. 2006 nungi 2009 tashi Tikendra ya Manipur state BJP nung general secretary (administration) inyaka liasü.

Taoba mapang Assam sorkari District ketdangsurtem dang COVID-19 puteta aliba nisungtem kima nung poster ayutsü tetuyuba agütsüogo. Assam nung shidi 18 asüba bushisüingdang **Guwahati, May 14, 2021 (Agencies):** Assam kübok Nagaon district nung Bodbar aonung shidi 18 tashi tsüingi agi yasetba atema veterinary mongintemi post-mortem agiogo. Parnoki post-mortem agidang shiditemji tsüingi agi yaset ama bilemer kechiyong shidi ka dak mi agi arongba zübo liasü. Ajisüaka, shidi 17 indang temang nungbo mi agi arongba zübo kecha mali.

NIA-i PLA züingsem ka apu

Imphal, May 14, 2021 (Agencies): National Investigation Agency (NIA)-i People's Liberation Army (PLA) züingsem ka puogo. 4th Assam Rifles indang Road Opening Party (ROP) ka amakba nung shilem agiba atema tai tonglokja pa apu. Iba nisung ya Mayanglambam Siromani lir aser Brihostibarnü NIA-i apu. Chamol-Sajik Tampak Road nung 4th Assam Rifle indang ROP amakba dak sendakba nung Chandel district nung aliba Chakpikarong police station nung iba FIR ka benoka liasü. Iba lendong nung Assam Rifle sepai ka kaset aser ka kanga mejungi yiru. Sepaitemi telungpur ana kaset. NIA-i iba ken o

bushisüingdangtsü tenzüik aser March 29, 2018 nung ken o tanaben benoka liasü. Assam Rifles indang road opening party amaktsü tasa atongba nung Mayanglambam Siromani-i shilem agi ta NIA-i bushitet aser iba jagi pa anema charge sheet ka benok. Ajisüaka, pa jena aoba agi pa aputsü atema osang agütsür nem Rs 2 lakh senpet agütsütsü nangzüka liasü. Assam Rifles amakba sülen November 15, 2017 nü pa den külemi yariteper ka Myanmar-i jena ao. Mayanglambam Siromani ji Imphal nung aliba Special NIA Court tsüingdangi anir ao aser okadaki pa NIA ket nung anogo pungu ayutsü temelaba agütsüogo.



Guwahati nung tetsür anati COVID inyakyim sülen manidakba atema sepai kati merenshiba angur. (Guwahati, May 14)

Assam nung shidi 18 asüba bushisüingdang

Mongintemi bushisüingdang asüba sülen hopta ka lir osang agütsütsü. Shiditemji miim chidaktsür südaktsü ta nisungtemi jembir aser iba jagi veterinary mongintemi shiditem indang Visara samples bendena Toxilological lab analysis atema agütsüogo. Iba telok nung Nagaon District Veterinary & Animal Husbandry Officer, Dr Abhijit Deka - Assistant Professor at AAU Khanapara, Dr Biswajit

Dutta - Assistant Professor at AAU Khanapara, Dr Durlov Prasad Bora - Assistant Professor at AAU Khanapara, Dr Biswajit Baruah - Forest Veterinary Officer of Kaziranga National Park, Dr Bhaskar Chowdhury - Deputy Director of WTI aser Dr Parikshit Kakati - Senior Program Officer Veterinary of WWF India nunger dena lir. Bodbarnü Bamuni Hills tema nung shidi 18 tashi taittsü keta sür aliba angu.

NLFT (BM) züingsem 3 temai adok



Agartala, May 14, 2021 (Agencies): Agartala nung NLFT (BM) telungpur asem tashi Tripura police tsüingdang temai adokogo. Par asemji Rupadhan Debbarma (Ruphai), Amush Tripura (Sengkhari) aser Dilip Debbarma (Mompal) nunger ta jangjaogo aser parnok Tripura

Police Special Branch headquarters nung temai adok. Parnoki Pistol ka den injang round 5 aser NLFT (BM) indang tashiyim agi sen meshiba shiditem bener arua agütsüogo. Par asem ya 2018 küm NLFT (BM) nung aden aser Myanmar o Bangladesh nung training agia liasü.



Tinsukia district nung aliba Tingrai Bazaar nung police tem tanü grenade ka apokdak bushisüingdangba angur. (Tinsukia, May 14)



TIR YIMYIM YIMOBILEM (EDITORIAL)

DIMAPUR KÜPTOKNÜ, MONUPII (MAY) 15, 2021

Asenoksasa asenok anepalu ashitsüla

Tang ama alima tashidak wara poktetba ya shisabolutsübo tulu saka kecha balaka tesümgangtsü mali, kechiyong ibai alima nung meimlaba aser matalokdangba ka ataloker masü saka atalokdanga aliba alima lendong ka ajurur. Küm 100 tejakdang, 1918 küm-a alima ajaklen Spanish flu ta ajaba tashidak wara agi nisung million 50 (crore 5) dak tali asüba otsü tangang asenoki tejangjaba nung jembir. Atangji, asenok dakbo mekongshi saka küm ter jakdanga 2009 küm alima nung swine flu wara agi nisung lakh aika asüba asenoki angashiogo. Item tashidak wara ajakji Covid-19 tashidak wara ama yimrayimshi dang lir saka tashidak tasen asüba agi mozü maka aser anepalutsüa junga memetet ta asüdang anepalu mesütet nisung aika südaktsüogo. Tanüa Spanish flu aser swine flu ama Covid-19 tashidak agi asenok kangshir aser tsübuteper. Atangji, tamalen amato masü tanübo asenokbo tashidak wara nokdangtsü asoshi mozü (vaccine)bo nguteta lir aser covid tashidak nokdangtsü atema kümdanga alitsü atema aser covid agi shirangdang anepalutsüba yimyatema sayur. Aji oda, Covid agi shirangdang achitsü atema yangluba shitakba mozü meliaka, koba mozü kodang aser koma achi nung Covid agi shirangertem ajunger, itemji mozü kidang inyakeritem meteta lir. Ibayongji, aika dak tashidak aliba putetaka, kar dak alaka, aika melamelaa jungogo. Ibaji asenok ajak asoshi osang tajung asütsü. Ashiko, alima nung nisungtem tashitemetet nung ulua küma kodanga masütsü asoshi mozü dena yanglutsü merangaka, ano külen alima kintem rongnung tsükchitep onsara, anungji kati ka den yariteptsü meranger masü saka kati ka alijak nung mali küma samatsütsü bilemer asünungji, asüngbo Covid wara dang nungi tesashiba mopong ajak ya miim akümtsüsa miim tango chioktsüa akok, idangjibo sü agi teni tebang nembangba agibo makoktsü. Iba tashiji bilema tashidak wara tamajung nungi nisungtem peisasa kümzüktsü merangba putuji tanü putu ya lir. Iba ama mapang ka nung, atangji, asenok mozü kidang inyakeritem den mozü, oxygen aser shiranger yaridang nungdakba osettsüset ajak peria alitsü tim. Ajsüaka, asenoki jungjunga bilemdangdi süra, tang ama alima tashidak wara tulu agi nisungtem amokmerendang, mozü kidang yipten, doctor, nurse, mozü, oxygen aser shiranger aser anepalurtem nungdakba osettem kwika agibo peritsü ? Tia mejungi yimkong shirangadokra aser shiranger ajungaji mozü kidang anepalutsüsa kümra, koda asütsü ? Shiranger ajak nem mozü kidang yipten agütsütetsü na ? Shiranger ajakji repringtetsüsa mozü kidang doctor aser nurse agi peritsü na ? Shiranger ajak akua Oxygen aliyonga, shibai itemji anepalutsü ? Itemji kodang, matalokia shitakba nung ataloktsü amai shisabolua bilemdangdir, tanü yimten yimsüsür aser medical nung ketdangsertemi Covid agi shiranger yaritsü atema yipten, mozü, oxygen aser inyaker peria renema lir ta yimjak nung sangdongba ya kanga junga mebilemdangi sangdonger ama angatetter, kechiyong tang ama yimkong züoka shirangba tashidak wara asoshi nungdak peria renemtsübaji takar aser tashitemetetter lima asoshia kanga tasak asütsü. Ibaji kodang asenoki asangsang nung shisadangdir, lenirtemi nüboritem dang nenok shirang nunga, kecha shisa tebulu, ajak peria renema lir ta masü, saka asenok ajak shiranga adok nungbo kecha agia meperitsü aser teyarir-a malitsü, anungji meshirangtsü merangang ta ajungshipet ajungshia renemtsütsübajiang nungdaker. Iba ama tensa tiaji asenok jakdang maruia arutsü ama bilema nüboritem ajak pei kibong asoshibo doctor aser nurse akümtsüsa renemtsüba mapangji tang ya lir. Alima tongpang rara nunga nisung tainbo ajak sepai akümtsü training agiba ama, asenoka shiranger anepalutsü inyakyim terabosa angazüktsüla. Tang ama yimkong shirangtepdang, asena taneptsü bushia mozü kidangi aoyonga anepalur teka agi mayimjemtsüa akok, anungji asenoksasa kidang anepalu ashi nungbo ajungtsüba ser nung mozü kidang anepalur agi meperi repringa taküm tembangtsüsa tia dena ajurutsüa akok. Iba jagi yaküm kumbo Covid-19 positive putettertembo ajak mozü kidang yur anepalu saka tangbo pei kidangi odaktsür, kechiyong positive putetter ajak nem mozü kidang yipten magütsütetsü aser anepalurtem agia meperitsü. Iba tensa aser nungdakji angateta, tanü asenok Covid-19 tashidak wara nungi jenbuttsü merangdang, tangar dak dang meimlai mesüra tanga nung dang jenoktsü mebilemi asenoksasa asenoki asenok asen kidang anepalutetsüsa asenok renemtsübajia kanga tongtibang nungdak ka kümogo.

OLEMSABANG

AROGO ASER LAISHIRI YAMAI CLEAN ELECTION NUNG SHILEM AGIDAKTSUNER

~ Dr. T. Jamedi Longkumer, Assistant Professor,
Dimapur Government College

(Yashi adok nungi...)

Clean election magitetsüsa nokdangba tanabuba factorji senso/identity politics or self-centered politicsya lir. Asenok Naga nung-er-i clan/village candidate nominate asüba aser yim bangdak tashi amshia yimer vote ajak iba candidate nem agütsüba ajanga democracy tamendakdak (foundation) raksatsür aser linük/nübur meimba lenisüba madoker. Kechiyong shitakba democracy nungbo senso shirnoksa election contest süner parnok ajakcontest sutetsüla aser nüburtemi item candidates rongnungi tajungtiba (parnok manifesto/agenda/plan/character/experience/contribution) tendanger külen universal adult franchise (one-person one-vote) ajanga parnok representativeji shimtsüla. Saka Naga nungertemi senso/identity basis nung dang aiben asen representative shimtsü meranger aser yamaji kinunger, kidong, yimer, tsükong, tribe dynamics aser preferences basis nung politics saitepba rural aser urban constituency balala nung asenokiangu. Tesüiba election 2018 nung takoker candidates rongnung identity politics candidate kwika liasü ta survey/research aginungbo, takoker tiemba ka identity centered senso candidatetemdang asütsü ama bilemer.

Anungji Naga lima nung Election merüka agitsü atemaitem corrupt election practice/inyakyim - Sen aser Senso - anaji indoktsü stakeholders ajaki (Church, Civil Society, Political Parties, Citizens) bangjema mulungtetsüla aser tejangja election level playing ground ajak asoshi lateta yutsütsüla. Nisung ka anati clean election agenda nung contest asütsü merangba ajanga Naga election culture memelenshitsu. Temelenshi bener arutsü atema nüburtem mindset melenshitsu nungdak aserarok 'social consensus' ajanga temerük/tajung inyakyim akanga renemtsüla. Iba change/temelenshi bener aruba nung Arogoi aser Laishirimapa tulu aser tongtipang inyaksüliir.

Mizoram nung Clean Election maparen

Mizoram nung Clean Election takok anguba otsü asenok ajaki meteta lir. Mizoram nung 2008 Assembly polls nungi tenzüka tanü tashi Mizo Arogo aser Laishir lenisübanung clean election agia arudagi. Iba movement koda tenzük aser kodaser wadang takok nguaaer angatetsü atema asenoki merangdi. Reverend Lalbiakmawia, Mizo People's Forum Mendenbuba, pai Mizoram clean election genesis indang media interview ka nung yamai ashi, "In the 1998 Assembly polls, we saw a steep rise in election expenditure, which went even further in the 2003 polls. We also noticed the involvement of the underground movement in the polls. In the northern part of the State, there were the armed groups of the Mara community. On the western side, there was the Bru Liberation Army, on the Eastern side, the liberation army of Myanmar and some Naga underground groups were getting involved in the State elections. It worried the Church and the Mizo civil society. We urgently felt the need to curb it so that there is peace in the State. So in 2006, the Mizo People's Forum was set up keeping the 2008 Assembly polls in mind. We sought the cooperation of everyone who wanted the peace to continue in Mizoram. The political parties understood our concern. The public was happy because it led to a considerable change in the selection of candidates by the parties."

Mizoram election nung sen (money) aser tashiyim (force) onsara amshiba nokdangtsü atema Mizo People's Forum (MPF) 2006 tenzük aser Mizoram nung election merüka agitsüatema mapadong ajak iba bangdak-i anir inyaker. Parnok inyakyimtongtipang kar yamai agütsür:

- Young Mizo Association (YMA) amaMizo People's Forum (MPF)-ji Mizoram Presbyterian Church-i tenzükba aser nungiba (support) socio-religious Forum ka lir.
- Iba Forum nükjidong aser mandateji: Mizoram nung election 'free and fair' aser 'without money power' agitsüatema.
- Election agitsü mapang jilia MPF-i political parties ajak den 'partnership agreement', election related "dos and don'ts", lemteta sign asür aser ajaki metetsü atema agreement kaketji public nem lemshia agütsür. Reverend Lalbiakmawia yamai ashir, "This is (done) to inform the public about the dos and don'ts during the campaigning by the candidates so that they also get to know the rules set for the elections by MPF. Any violation is (being) closely monitored."
- MPF aser political parties 'agreement'/telemtetba nungji electioneering aspects ajak abensa cover asür - election expenses, selection of candidates, promises in the party manifesto and the manner of the campaign. Tatishitsü agi, party candidate shimtsü atema political parties-i item 'qualifying rules' repringtsüla ta lateta lir - pala ji "without any record of infidelity, "free from alcohol and other substances", "diligent and faithful" taküm ka asütsüla ta agüja lir.

MPF-i Mizoram nung election mapang political parties aser candidates ajak atema 'level-playing ground' yanglua yutsür aser item temzüng/ozüng tashi anganüburtemi election nung shilem agir. MPF-ji official election watchdog (election commission ama) ka masü sürnung political parties aser nüburtemi kechibaakhümtsüba iba Forum-iashi anga anidaker?Iba telangzübaji senior reporter kati Mizo daily newspaper ka nung yamai agütsü, "Apart from the fact that Church plays a big role in our Mizo society, the civil society groups are also respected a lot. They are considered to be the moral drivers of our society...so political parties cannot defy them easily, particularly not during an election." Mizo Arogo aser lokti lenirtemji par lokti asoshi moral compass (libaliro lensayur)ama Mizo nungertemi agizüker - kechiyong parnokipar Arogo aser Civil Society jagipar nübur aser lima ajungtsü aser terenlok atema dang kechiserina mapa ajak inyaker ta metet aser yamaji temulung lemtetsüsa kuli ngua lir (Trust-capital in religious and social institutions already present/cultivated).

(Maneni asüng adok nung...)

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger agateta agitsü mepishir**



May 14, 2021: Hokolbarnü ABAM Executive Secretary, Rev. Dr. Mar Pongener-i Impur nung Longsa chir Arogo asem- Chubayimkum, Meyilong aser Moalenden rest house lapokja meshitettsüba sülen Arogo asem nungi sannükertem den külemi tangokba noksa nung angur. "Arogotem sentong balala nung arua adendang anisungzüka amongtsü asoshi Arogotemi rongsen jenti endoka ki tajung aika süa arudagi. Maneni Tsüngremer wadang asoshi Arogotem ajak nem temaba nungi nungdakba ajak moajang, ta sarasademtsür," ta Rev. Dr. Mar Pongener-i sangdong ka nung metetdaksü.

CBCI-i Covid agi shirangertem atema home care program tenzük

New Delhi, May 14, 2021 (Agencies): Coronavirus tashidak agi shirangertem atema Catholic Bishops' Conference of India's (CBCI) Office for Health-i state tenet nung home care program tenzükogo, ta osang ka ajanga metetdaksü.

May 13, 2021 nü CBCI-i Andhra, Telangana, Karnataka, Kerala, Maharashtra, Madhya Pradesh aser Tamil Nadu state tem nung aliba regional office tem nung coronavirus agi shirangertem atema home care program tenzük.

Osangbener den jembidang CBCI secretary general, Julius Arackal-i, "Mezüngbo onoki state tenet nung tenzük, ajisüaka iba project ya Arogo ajak nung tenzüksü tebilemba lir. Tang Arogo den sendaktepa aliba onok indang regional office 40 lir," ta metetdaksü.

"Iba project tenzükba nükjidong ya coronavirus agi shirangertem asüba ajemdaksütsü atema lir. Arogotemi pepei tesem nung

iba wara agi mejungi kongshia aliba aser nungdakba kibongtem jajatsü aser shimtsü," ta paisa metetdaksü.

"Item areas nung volunteers shimtsü aser medical mongintemi parnok nem training agütsütsü. Iba sülen training agiba volunteers-i item ama kibongtem jangjaba sülen yaritsü. Onok indang medical kits rongnung fingertip pulse oximeter, steam inhaler aser digital thermometer densema lir. Training agiba volunteers-i item ama kibongtem dang medical osettsüset balala amshiyim sayutsü," ta pai metetdaksü.

Arogoi shimtetba kibongtem atema region nung aliba doctor ka lemzüksütsü aser volunteers-i mapang shia phone ajanga shirangertem den tongtepratepba sülen nungdakbapurtem nem teyari agütsütsü, ta pai metetdaksü.

Iba project ya ajanga mapang shidak nung tashidak putettsü aser tekaraba nung

treatment agütsüba den külemi hospital nung yaritsü atema achaayangtsü.

Visakhapatnam nung CBCI's Office for Health chairman, putir Prakash Mallavarappu-i, kidang teyari agütsüba ajanga hospital tem aser medical nisungtem khuret pungbatsü, ta ashi.

Prakash-isa, "Iba project ajanga ajanga mapang shidak nung tashidak putettsü aser tekaraba nung treatment agütsüba den külemi hospital nung yaritsü atema achaayangtsü. Iba project ajangasa hospital nung mapang talangka amongba paidoktsü aser shiranger anepba shilem timba akümtsü," ta metetdaksü.

May 12 tashi nung India nung nisung ajak agi million 23.7 dak coronavirus putetogo aser Maharashtra nungbo anogo shia nisung meyirjang 50 tema dak iba tashidak puteta arudar. Kerala aser Tamil Nadu nunga anogo shia nisung aika dak iba tashidak putetdar.

Yerusalem nung rara anema Arogoi ola adoktsüla: Dr. Salim Munayer

May 14, 2021: Yerusalem nung alir Palestine nung Khristan kati Khristantem aser Arogo dang tang Yerusalem nung rara adokba anema ola adoktsüla, ta ayongzüük.

Testüiba hopta ka tsüngda Palestine aser Israel nung tsüngda anüngen nungi amakba aser rocket amshia amakba mapang nung nisung aika süogo aser noklang aika yiruogo.

Osangbener den jembidang Palestine nung Khristan, Dr. Salim Munayer-i, "Nüburtemi kimai ayazüktsü tsübur. Tensa kanga majung, yimti-yimdong kanga azüngmeyaker aser nisung ajak tsübuteper. Yerusalem yimti tejenba kübok ozü kiyong nunga police aser longkak aiterem na tsüngda rarar. Tzüzüng-ozüng mali aser linük nung police-i mazüokteter.

Na kiyong tai ka nung lira nai rara aser loktii nisung tepsetba ajangshitsü," ta metetdaksü.

Dr. Munayer ya Israel-Palestine nung Musalaha Reconciliation Ministry Director inyaker aser Church Mission Society nunga züngsem ka lir.

Pai ashiba agi, region nung pai rara aika ajangshia aruogo, ajisüaka tawa rara adokba yabo khenyongi balaka.

"Tang yabo balaka, Police-i mazüokteter. Loktiliba nung telemsa adokogo aser police-i mazüokteter. Ni iba ya Palestine tsütsülen nungi dang jembir masü saka Yihuda nung tsütsülen nungia jembir. Yaküma yimdong nung rara kanga bulua atalokogo," ta pai ashi.

Dr. Munayer-i ashiba agi, tangalen maongka bushitsü atema pa densema nisung aikati

iba region toktsür aotsüa akok, ajisüaka pa Khristan asüba ajanga iba tesem metoktsür.

Paisa Arogotem dang tesem nung yimjung alitsü atema ayongzüükang, ta mepishi.

"Tang nisung tsüngda bendanga züngshiba ama yabo onoki kodanga majangshidang. Arogo aikati ola madoker. Arogoi loktiliba nung ola adoktsüla. Arogotemi nisungtem yiruba tesemi aotsüla. Nüburtem jashia aliba tesem nung Arogo alitsüla. Yirua alirtem aliba tesemi Arogo aotsüla. Iba ya asen taküm nung tayongzüükba ka lir ta nibo bilemer. Ni sempartem den ni koma tesendaktep ayutsü?, ta peisasa asüngdangtsüla, kechiyong Yisu sülen anidaker ka ama asenoki asen tsükchirtema meimtsüla," ta paisa metetdaksü.

ANOGO ABEN TSÜNGREM DEN

Alangzükba züh

"Saka tarak aser pungmen maket san chanu senti züh, oda Khrista züh agi nenok alangzük, aji meteta nenoki tetsübu nung nenok aenersa amungba mapang süidakjang." 1 Peter 1:19

Tejen ozüng putu nung nisung taküm ka ozüng ajanga taittsüba ngur lia iba nung jagi alangzükba akhi jenjang dangi bener arutsü asoshi san tebong rongnung pungmen mesüra tarak maketba shimteta, iba sanji tepseta azüh tenlaba agi, takümüji tanaben meyipa alangzükasa aru. Item putu nung sen zühji taküm ka alangzük asünung kanga dang tematiba jenjang nung senti süa amlepa aruba angur. (Levi 22:19-20). Kodangsa pungmen aketba shiruru tenla, idangji Kibubai magizük aser shiba asoshi tenla, idangji Kibubai magizük aser shiba asoshi tenla pa taküm nunga temelenshibaji marur; saka kodang ozüngi aginüba ama san pungmen makaba zühji tenladir ibaji Kibubai agizüker ta parnoki amanga benlepa arua liasü.

Iba ama tangatetba nung amanga aser benlepa aruya aliba mapang ka nung Tsüngremi Pa ajaso chir Yisu Khrista alimai yoka, oda kangkidong nung pa senti züh toklepa tematiba tenla tenlaba agi Pai meimchirtem khenyongi, teti atema takümüji alangzük. (Ibri 10:10).

Sarasadem

Kibuba Yisu, Ne senti züh ajanga kü taküm teti asoshi alangzük nung Ne tenüng asanger. Amen

Akok tashi nisung timba kümzüksü atema Arogoi inyaker: Victor Henry

May 14, 2021: Tang India nung coronavirus wara mapang Catholic Arogoi akok tashi nisung timtiba kümzüksü atema inyadar, ta Chhattisgarh yimtiba, Raipur nung tongti putir, Victor Henry Thakur-i metetdaksü.

Raipur nung Catholic Arogoi covid wara agi kongshirtem nem chiyungtsü aser medical teyari agütsütsü, iba denji külemi hospital achaayangtsütsü atema networks yanglur inyaka arudar, ta Khristan putirisa metetdaksü.

Osangbener den jembidang pai, "Tang onok indang tamangba yimsüji meimchir dang temeim sayuba lir, kechiyong ibaji ajanga onok Tsüngrem den sendakteptsür," ta ashi.

Yaküm covid wara mapang nunga Catholic Khristantemi bendanglen aayangertem nem chiyungtsü, tzü aser tanga nungdak balala agüja liasü, saka tangbo yariba yimya kanga melenshiogo, ta paisa metetdaksü.

Joko tesüiba anogo 30 dak tali India nung anogo shia nisung lakh 3 tema dak coronavirus tashidak puteta arudar; hospital tem nung agi meperir aser oxygen den mozü agi anünger.

Thakur-isa, "Onoki akokba

tashi meranga inyakyonga Catholic hospital tem densema hospital balala nung medical treatment nungdaka nisung aika asür, kechiyong onoki kanga mejungi shirangertema hospital nung maniokteter," ta metetdaksü.

Gujarat kübok Rajkot nung putir, Jose Chittooparambil-i, "Onok meyong hospital tem nung shiranger süngogo, anungji shiranger tali maniokteter," ta metetdaksü.

Paisa, "Onoki yimsüngtem nung aliba clinics nung coronavirus agi shirangertem atema nungdakba facilities aser mozü agütsütsü meranger. Ano kanga mejungi shirangertem dangbo anasa aliba Covid-19 hospital-i oang ta tuyur," ta metetdaksü.

"Onoki süngdong akhümbok aser sükitem nung shirangertem nem medical teyari agütsüdar. Onoki akok tashi nisung timtiba kümzükner," ta paisa shisem.

Rajkot nung aliba Arogoisa coronavirus agi shiranger kinüngertem nem anogo shia sorochocha chiyungtsü lema agütsüdar.

Yamaji Delhi, Bombay aser Kerala nunga Catholic Arogotemi wara mapang covid agi kongshirtem aser timtemertem nem teyari agütsüdar.

OLONG PAITEP # 5812


	1		2			3		4		5
6								7		
					8		9			
		10								
11										
					12					
13		14		15						16
17								18		

- | | | | |
|------------------------------|-------|------------------------------|-------|
| TIPILEN | | LANGTSÜNGLEN | |
| 1. Inyaker ajangtetba | - (3) | 1. Meshidak | - (3) |
| 3. Bangsemo adokdak | - (5) | 2. Tanaben soshir | - (7) |
| 6. Shitak mesüi inyak | - (7) | 3. Iba anogo | - (4) |
| 7. Ya mimong nung angur | - (3) | 4. Meshi | - (3) |
| 9. Reprangzük | - (4) | 5. Yagi mi tsükloker | - (9) |
| 10. Tasola | - (5) | 6. Shi tapu ka | - (9) |
| 11. S _ _ _ _ | - (4) | 8. Yagi ayimer saka ozü masü | - (3) |
| 13. Yagi ajak ashioksür | - (3) | 9. Ajokba shiruru ka | - (7) |
| 15. Ki aokba oset | - (7) | 12. Inyaktet | - (4) |
| 17. Ak shi nung inokba tasen | - (5) | 14. _ _ _ hi | - (3) |
| 18. Ishika | - (3) | 16. Akümüli nungi pilar | - (3) |

OLONG PAITEP # 5811 TELANGZÜBA

- | | |
|---------------------------------------|--------------------------------------|
| TIPILEN : | LANGTSÜNGLEN : |
| 1. Telok, 4. Aluru, 6. Ozüng, 8. Emk, | 1. Tenükjang, 2. Luden, 3. Kiochtsü, |
| 9. Kin, 10. Teti, 12. Süir, 13. Jen, | 5. Lenti, 7. Tajangzük, 11. teronem, |
| 14. Ola, 16. Talak, 17. Mazük. | 12. Sempa, 13. Jahaz. |

Tetenzük nungi tatem tashi aotsü leman bushiang



TANÜBO NAI LANGZÜANG

Q. Drug Controller General of India indang headquarter kong lapoka lir ?
 A. Kolkata
 B. New Delhi
 C. Chennai
 D. Bangalore
 (Taruba adok nung onoki langzüsü)

YASHI ADOK TELANGZÜBA : 1912

AO OSHI ANGAZÜKDAK:

TANÜ ANGAZÜKTSÜBA OJANG



Tir Yimyim

Inyak

(v) Nüngdak ataloktsü aser yanglutsü atema temang aser tekolok belema arakzüba (work)
 * Onokbo lockdown mapang ki mapa aika inyak.

Inyakyim

(adv) Mapa atema tim len sayuba (method)
 * Mapa shia inyakyim meteta inyakra temela asütsü.

NAI-A YA METETTER MA?



Zhejiang province kübok Taizhou anasa Shenxianju tesem nung 'Ruyi Bridge' yanglua lir. Glass inoka yangluba Ruyi apu ya ali nungi meter 140 shi ajungketer yanglu aser iba apu dang 'bending bridge' ta-a ajar. Iba apu ya 2017 küm semzüksü aser 2020 küm ang lisopurtem atema lapokja liasü. Iba mapang nungi, nisung 200, 000 dak temai Ruyi Bridge semdanga aser iba apu nung jajaogo.

SUDOKU # 5855

			3	7						
3		9			1					
	4			1	2					
			9			8				
8	1						4	6		
		3			4					
			2	4			9			
		1				6		5		
			8	1						

TELANGZÜBA # 5854

8	4	9	2	7	1	6	5	3
6	7	5	3	8	4	9	1	2
1	2	3	6	5	9	7	4	8
7	8	2	9	3	5	4	6	1
9	6	1	8	4	7	2	3	5
5	3	4	1	2	6	8	9	7
3	9	7	5	6	2	1	8	4
2	5	6	4	1	8	3	7	9
4	1	8	7	9	3	5	2	6

OJANG LUTEP # 5398

EEEPYARITTR :
 JUANTG :
 IRAML :
 ÜBNU :
 KA :
 MNGLOII :
 MPSEET :
 AJJUNGIT :
 EETTAM :
 KÜAM :

OJANG LUTEP TELANGZÜBA # 5397

AIBELNBABO AMPANGYIM SHISATSÜ AGI MASÜ
 AJEMALU AJANGA DANG IBAJI AKOKER

TAN HOPTA ATEMA - KOMA SÜLA ?

Q. Asen lima nung Covid-19 agi shirangertem anepalutsü pur doctor aser nursetem agi meperi aküm nunga koma süla ?

Olong 20 shi nung May 14, 2021 tashi nung iba telangzüba ya onok dangi (e-mail - tiryimiyim@gmail.com) :
 (SMS - 9856121232 / 9436072422) : (WhatsApp - 7005723372 / 8729995804) : (tiryimiyim.in) ajanga yokang. Telangzübatemji taruba Honibarnü adoktsüsü.



New Delhi, May 14, 2021: Hokolbarnü Delhi sorkar ketdangsertemi Hyderabad nungi train ajanga Delhi nung Hazarat Nizumuddin Railway station tonga arurtem indang RT-PCR report reprangba noksa nung angur.

India-i teimla mesamai tongbang raratsü aser akoktsü: PM Modi

New Delhi, Monupii/May 14 (Agencies): Hokolbarnü Ato kilonser, Narendra Modi-i, tang linüki tenük agi manguba tsükchir ka (coronavirus) den raradar; iba wara tanabuba shilem anema sorkari tongbang rarar ama raradar, aser linüki iba tongbang akoktsü, ta metetdaksü.

Ato kilonser Modi-i, "Küm 100 sülen iba wara tamajung ya ajanga alima lenla ajak nung tendanger. Asenok jakdang tenük agi manguba tsükchir ka lir. Coronavirus wara tanabuba shilem anema tetsükdaksü balala koka arudar aser tongbang rarar ama raratsü atema sorkari meranga inyakdar," ta metetdaksü.

Paisa, Coronavirus ajanga tesüiba anogo ishika tsüingda nürburtem jashiba aser timtembaji pai-a ajangshir, ta metetdaksü.

PM-KISAN scheme dak sendakba video conference ka

jung jembidang Modi-i, tang tashi nung coronavirus vaccine dose crore 18 agütsüogo aser nürburtem nem tekaraba nung vaccine agütsütsü atema sorkari meranga inyakdar, ta metetdaksü.

Hokolbarnü Ato kilonseri Pradhan Mantri Kisan Samman Nidhi (PM-Kisan) scheme kübok aluyimer crore 9.5 atema instalment 8buba nung sen crore 20,000 lemzüksüogo. Iba sentong nung Union agriculture minister, Narendra Singh Tomar-a densema liasü.

PM-KISAN scheme kübok temsüa alir aluyimer kibong crore 14 nem küm shia sen 6,000 agütsür, aser ibaji instalment asem lemsar ita pezü shia sen 2,000 agütsür.

Iba tsükchir (corona) ajanga nisung aika süogo, ta shia pai, "Joko mapang tatsüka linük nürburtemi timtem tejashi

ajangshia arudar, nia kasaji ajangshir," ta ashi.

Pei tata mapang atongdang ajaki vaccine agütsüla, aser vaccine agiba sülena mask agütsüla aser nisung tsüingda tetsüingda itta alitsüla, ta pai mepishia metetdaksü.

Coronavirus anema medical mongintem, scientist tem aser sepaitemi amang-sangwa methitemi meranga inyakdar, linük nung mozü timba yangludar aser bendanglen nungia bener arudar, iba denji külemi sorkari oxygen plants amenokdar, ta pai metetdaksü.

Paisa state sorkar tem danga, ozüing alema mozü aser oxygen cylinders shibelena ayokertem mita aotsüla, ta metetdaksü.

"India ya tasütait tanela samaba linük ka masü. Asenoki raratsü aser akoktsü," ta paisa shisem.

Election mapang tashimait asadangtsü atema EC-i luden ka tentet

New Delhi, May 14 (Agencies): Tawa state pezü aser UT ka nung assembly election agiba mapang nung tashimait balala asadangtsü aser tangazükba alitsü atema Election Commission-i EC secretary general leniba nung Core committee ka tentetogo.

Iba committee-isa state chief electoral officer aser district officials jenjang nung coronavirus wara anema tetuyuba balala benokba aser election tembangba sülen

returning officers densema field officers nem security agütsüba jenjang asadangtsü.

Core committee-i item ajakji asadangba sülen ita ka tsüingda tebilemba onük balala EC nem agütsütsü, aser item onük nungji ajemdaker taruba election tem nung benshitsu atema renemtsü, ta Election Commission osang ka ajanga metetdaksü.

Osang angazükba agi, core committee nungji EC officials, state CEOs aser tawa election agiba state tem nung observers

densema lir.

Election Commission-i ashiba agi, election mapang nung parnoki coronavirus wara anema tetuyuba balala benshitsu metetdakja liasü, ajisiüka item tetuyuba benoka inyaksüjibo state aser district level disaster management mapa lir.

"Election Commission-i kodanga SDMA (State Disaster Management Authority) indang mapa agizüka meinyaker," ta April 22 nü Election Commission-i metetdakja liasü.

India nung ano nisung lakh 3.43 dak Covid putet aser 4,205 asü

New Delhi, May 14 (Agencies): Tesüiba ghonda 24 tsüingda India linük nung ano nisung 3,43,144 dak coronavirus tashidak putetogo, aser tang tashi nungbo linük nung nisung ajak agi million 24 dak iba tashidak putetogo.

Tesüiba ghonda 24 tsüingda linük nung coronavirus tashidak agi nisung 4,205 asüba densemabo tang tashi nung linük nung iba tashidak agi asür ajak agi 2,62,317 jungogo, ta Hokolbarnep Union health ministry data ajanga metetdaksü.

Tang India nung coronavirus tashidak agi teshirangdakpur 37,04,893 lir, aser ibaji coronavirus caseload nungi

shilem 15.41 lir, ta Health Ministry-isa metetdaksü.

Linük nung iba tashidak agi shiranger shilem 83.50 (nisung 2,00,79,599) anepogo aser iba tashidak agi shirangertem asübabo shilem 1.09 dang lir.

Tesüiba anogo 22 tashi India nung anogo shia nisung lakh 3 tema dak coronavirus tashidak puteta arudar, aser tesüiba hopta ana tashi anogo shia iba tashidak agi nisung 3,000 dak tema südar. Mongolbarnübo India nung coronavirus tashidak agi nisung 4,205 tashi asü.

ICMR-i ashiba agi, May 13 tashi nung samples ajak agi 31,13,24,100 tendangogo aser iba nungji Brihostibarnü samples 18,75,515 tendangba densema lir.

Cyclone Tauktae agi Gujarat, Maharashtra aser Kerala kongshitsü



Thiruvananthapuram, May 14, 2021: Arabian tzüyim nung cyclone ka kümetetba atema tekümdangtsü osang ka sangdongba sülen Kerala yimtiba, Thiruvananthapuram nung nisungtemi rong tükümi bener aruba noksa nung angur.

New Delhi, May 14 (Agencies):

Tang Lakshadweep Isles aser Arabian tzüyim nung yipru mopung teshashi ka tentetdar aser Amongnü tashi nungbo cyclone yipru tesashi akümtsü, aser iba cyclone jagi taruba anogo pezü tsüingda Gujarat, Maharashtra aser Kerala tzüyimkümlen kongshitsü, ta Hokolbarnü India Meteorological Department (IMD)-i metetdaksü.

IMD-i Mumbai aser Thane na nem 'Yellow Alert' agütsüogo; tetezü tesem kar nung tzunglu sashia arutsü aser mopung sashia aontsü, Gujarat kübok district aika nem Orange Alert aser aser Kerala nung district aika nem Red Alerts agütsüogo.

'Tauktae' ta ajaba Cyclone ya Lakshadweep Isles aser Arabian Sea nung tentetdar, aser Amongnü tashi nungbo iba ya cyclonic yipru tesashi ka akümtsü, aser ibaji ajanga linük south aser west tsütsü tzüyimkümlen tzunglu sashia aruba den yipru mopung sashia aontsü.

IMD-i sangdong ka ajanga, "Iba mopung ya taruba ghonda 12 tsüingda tesashiba akümtsü, iba sülen ghonda 12 tsüingda cyclonic yipru akümtsü. Ano maneni iba yipru kanga tesashiba akümtsüa akok.

Mezüngbo iba yipru ya tanü nikongdang north-northeast tsütsülen aontsü, iba sülen May 18 anepdang tashi nung Gujarat tzüyimkümlen atongtsü," ta metetdaksü.

Tanü (May 14) nungi tenzüka Amongnü tashi Lakshadweep Isles tesem aika nung tzunglu sashia arutsü; Honibarnü Kerala nung tzunglu sashia arutsü aser Amongnü o Hombar na nung tesem kar nung tzunglu sashia arutsü, ta IMD-i metetdaksü.

Iba cyclone ajanga Mumbai, southern Konkan region kübok Raigad, Ratnagiri aser Sindhudurg districts nung tzunglu sashia arutsü; Mongolbarnü yipru jagi Gujarat tzüyimkümlen matong tashi Goa aser Gujarat nung anogo asem tzunglu sashia arutsü, ta parnokisa metetdaksü.

Arabian Sea nung tang angopui oa alirtem dang tükümi meyipa arutsü metetdaksüogo, aser tangartem danga May 14 nungi tenzüka May 18, 2021 tashi angopui tzüyimi maotsü tekümdangtsü metetdaksüogo.

Taruba anogo ishika tsüingda lendong atema renema alitsü asoshi National Disaster Response Force, State Disaster Response Force, Indian Navy aser tanga agencies dang tuyuogo.



Prayagraj (Uttar Pradesh) May 14, 2021: Coronavirus prokba nokdangtsü atema lockdown aliba mapang Hokolbarnü Prayagraj nung Eid benjung anogo nung Muslim nunger tekülem kidangi aoba (Jama Masjid) lenmang nokdanga aliba noksa nung angur.

Israel-i Gaza Strip amakba manener, nisung 100 dak tema süogo



Gaza City nung Israel nungeri tayimtsü amshia amakba sülen ki ka nungi mokozü adokba noksa nung angur. Muslim nunger temeshi ita, Ramadan tembangba mapang Israel linük tesem balala ung Jewish aser Arab nunger tsungta rongrong adoka lir aser Hamas o Israel na rocket tem khaloktsüteper.

Gaza City, Monupii/May 14 (Agencies):

Israel-i Hokulbarnüa maneni Gaza Strip nung tayimtsü aser artillery shells amshia amak aser mitkartemi meketbanga aliba Palestine nunger alidak sepai aser tank tem tali yoka liasü.

Israel mitkartemi Hombarnü nungi tenzüka tashiyim amshia amakdang tanur 31 densema Palestine nunger 119 tepsetogo aser 830 dak tema yirua lir. Israel-i prangbong tesashi aser tulu amshia amakba nungi atsükshia Palestine nunger kibong noklang aika northern Gaza nung United Nations-i lapokba kaket rejutem nung jenoka lir.

United Nations tekolakba, Antonio Guterres densema linük balalai tekeratiba nung tetsükchitep mapa anentsü ajungshiaka Israel Ato Kilonser Benjamin Netanyahu-i Israel nung anisungzük arutsü atema

nüngdaka aliba ama maneni amaktsü, ta nangzük.

Hokulbarnep Hamas telokia Israel tsütsüi rocket kar khalokja Ashkelon yimti nung kongshi.

Iba rara nung Israel nunger trok aser India nunger ka süogo. Gaza nungi Israel nung tesem balalai rocket noklang aika khaloktsü aser Gaza anüdoklen sepai tali yoksema lir, ta Israel mitkartemi ashir.

Kasa mapang West Bank aser Israel nunga Israeli settlers aser Palestine senso tsütsü azüdokshiba tali akumer. Southern Lebanon nungia Israel tsütsüi rocket asem khalokja liasü.

Israel-i amokbanga aliba West Bank tsütsüi aolen apu ka atongtsü meranga Jordan nunger nisung noklang ishika Palestine nunger busema longkak aita aliba police temi aridoka liasü.

Israel-i Palestine nunger dak amakba anema longkak aita arrtsülen aliba lenmangtem nung jajatsü sentong yanglur lia iba sentong nungi razüka aor lanur 500 shi anendaktsütsü mechi police temi tear gas khaloktsü aser anünglen injang khalokja liasü, ta ashir.

Longkak aitertem ya occupied West Bank nung Palestine nunger Jericho yimti anasa Jordan Valley nung aliba King Hussein Bridge atongtsü kilometer pongu lia aridok.

Central Amman nunga Grand Hussein Mosque nung Hokulbarnü sarasadem tembangba sülen yimtung nung Israel nunger anema yimyim ayima nisung meyerijang ishika jaja liasü.

Parnoki linük nungi Israel ambassador meindoktsü akhang aser Israel den yimjung tenzüngzüktep yanglua aliba agientsü ashir.

Afghanistan nung ceasefire tenzükaka azüdokshi manener

Kabul, Monupii/May 14 (Agencies):

Afghanistan yimtiba, Kabul tezülen mosque ka nung bomb tesashi ka poka nisung 12 asü aser tali yiru, ta police temi ashir.

Eid al-Fitr benjongmung tenüng nung Afghan sorkar aser Taliban tsungta asemnü ceasefire alitsü sangdonger anogo tananü buba nung lendong ya Shakar Dara district nung Hokulbarnü sarasademba mapang atalok. Telok katia iba lendong atalokba tenüng agia mali.

Tapoktsü oset ya mosque telung nung jelia yuja liasü südi, ta Kabul police odongtar Ferdaws Faemanz-i ashir.

"Mosque indang imam densema nisung 12 asü aser 15 yiru," ta paisa ashir.

Iba ceasefire tenzüker ghonda ishika tsungta Afghanistan tesem pezü nung Brehostibarnü bomb poklokja civilian 11 asü aser 13 yiru, ta ketdangsurtemi shia liasü.

Khen atema merarai alitsü pangjemba ama Taliban aser sorkar meyong sepaitem tsungta raraba osang meliaka lenmang nung bomb

pokloktsüba agi civilian tem takum maneni samatsür.

Kandahar province south tsütsü Panjwai district nung lenmang tezülen bomb ka poka tetsür ka aser tanurtem dena civilian pongu asü, ta iba province nung police indang odongtar Jamal Naser Barezai-i ashir.

Ano kasa province kübok Maiwand district nung taxi ka nung bomb ka poka yangjia tanur ana asü aser tain asem yiru, ta Barezai-isa ashir.

Linük north tsütsü Kunduz province nung civilian indang gari ka nung 'sticky bomb' ka menaloker pokdaktsüba lendong nung civilian ana asü aser ter yiru, ta iba province nung police tekolakba indang odongtar Enhamuddin Rahmani-i ashir.

Central Ghazni province nunga lenmang tezülen bomb ka apokba lendong nung civilian ana asü, ta ketdangsurtemi ashir.

"Kunduz police headquarters ya lendong atalokba tesem nungi meter 100 dang pilar lir, saka sepaitem lendong ataloker minute 40 shi lirang aru," ta Kunduz nung alirtemi Afghanistan nung aliba

TOLO News dang ashir.

"Muslim nungeri Muslim nunger kodanga iba yimya nung mamshir. Asen chirtem makamait aser timtem nung intet, saka parnok kanga mela timtem ajurur. Parnok (lendong agütsürtem) Muslim nunger asünungbo, tanurtem anema parnoki kodanga iba ama mapa tamajung meinyaktsüla," ta Kunduz province nung alir kati TOLO News dang ashir.

US sepaitem September 11 tashinung anizüker aotsü sentong lir, ta Washington-i taoba ita sangdongba sülen Afghanistan ajungalen azüdokshi tali kumer lia Taliban-i anogo asem ceasefire sangdong aser sorkaria aji agizük.

Kabul tezülen Wardak province nung Taliban kübok aliba district ka Afghan security forces temi tanaben agitsü meranga Bodhbarnü operation tenzüker, saka ceasefire mechi anenadok.

Taliban teloki Nerkh district lungbanga sorkar meyong sepai kar apu mesüra tepset aser kar meyipa yoka liasü, koba Kabul nungi gari nung ghonda ka majungdang oa atonger.

Myanmar nung Japan nunger osangbener chioktsü

Naypyitaw, Monupii/May 14 (Agencies): Japan nunger osangbener shiba taoba ita Myanmar nung pua tiazü osang prokshi ta aija ken o benok, pa chioktsü, ta state media ajanga Brehostibarnü ashir.

February ita mitkartemi sorkar atsüngdokba sülen bendanger osangbener anema ken o benokbabo Yuki Kitazumi ya mezüngbuba alitsü.

Pai ozüng nung aibelen saka Japan-i mepishiba ajanga chioktsü, ta Myanmar ketdangsurtemi ashir.

Mitkartemi sorkar atsüngdokba sülen Myanmar nung nisung 800 jungnüa tepsetogo aser osangbener densema nisung meyerijang aika pua lir.

Myanmar nung yimti tongtiba, Yangon nung police temi April 18 nü par ki mita bushiba mapang arishi küm 45 tain Kitazumi ya pua liasü. Pa ya February 26 nunga pua liasü.

Pai aibelenba lira tepuokdak küm asem ayutsü. Tokyo-i Myanmar mitkartem dak pa chioktsü ajungshia arur.

"Pai ozüng nung aibelenaka, Japan den lungjemshitsü aser asenok tesendaktep tajungba akumtsü atema pa anema

benokba ken o agientsü aser Japan-i mepishiba ama chioktsü," ta state broadcaster MRTV ajanga ashir aser bushisüngdangba nung osangbeneri longkak aiter busemba ngutetogo, ta ashir.

Kitazumi ya freelance journalist ka ama inyaka liasü aser Japan nung news outlet tongtipang aika atema osang bona liasü.

Mitkartemi sorkar atsüngdokba aser longkak aita nisung tepsetba osangtem Japan nunger osangkaket atema osang abenba kisüng masü saka mapang shia pa indang social media nung Myanmar tensa indang noksatem prokshia aru.

Myanmar nung mitkartemi sorkar atsüngdoka küm ka state of emergency sangdongba sülen anogoshi nüburtemi longkak aita arur.

Iba mapang mitkartemi longkak aiter aser osangbener anema tashiyim amshia arur.

Osang abenba atema iba linük nung alir osangbener 80 shi apuba osang lir. Item rongnung nisung 50 tang tashi tepuokdak lir aser tesadang ka nem temerenshi agütsüogo, ta Assistance Association for Political Prisoners (AAPP) ajanga ashir.

KP Sharma Oli asemben Nepal ato kilonser akümer



Kathmandu, Monupii/May 14 (Agencies):

Parliament nung sorkar tasen ka tentettsü atema Opposition party temi menden timba mongutetba sülen KP Sharma Oli ya Nepal indang Ato Kilonser asemben buba inyaktsü maongka nguogo. House of Representatives nung trust vote agitepba nung tamakok ajurur anogo asem lir Tir Bidya Devi Bhandari-i CPN-UML mendenpuba, arishi küm 69 tain Oli ya Ato Kilonser inyaktsü atema Brehostibar aonung shimteta liasü.

Pa ya taoba mapanga ato kilonser ka ama October 11, 2015 nungi August 3, 2016 aser ano February 15, 2018 nungi May 13, 2021 tashi inyaka lir. Tir Bhandari ajanga Shital Niwas nung Hokulbar nikongdang 2:30 ako nung Oli tezüngzüktep agia liasü.

Hombarnü House nung vote of confidence agitepba mapang Oli-i tamakok ajuruba sülen tiri Opposition party tem dang

Brehostibar aonung 9:00 ako tashinung sorkar tasen ka tentettsü atema nübu timtiba anitenang, ta tiri shia liasü. Brehostibar tashi Nepali Congress tir, Sher Bahadur Deuba, shiba CPN-Maoist Centre mendenpuba Pushpakamal Dahal "Prachanda" ajanga nungita lir, pa taruba ato kilonser akumtsü südi, ta imla liasü.

Saka Madhav Kumar Nepal-i mapangtung nung Oli den senden mena pa molung melenshiba sülen Deuba-i ato kilonser akumtsü mangdang sama. Oli asoshi anogo 30 tsungta House nung vote of confidence agitsü aser yangji takok mongutetra, Constitution indang Arrla 76 (5) kübok sorkar tasen ka tentettsü maparen tenzüktsü.

Oli tekolakba sür aliba CPN-UML ya züngsem 271 aliba House of Representatives nung party tulutiba lir, kong par teloki menden 121 agia lir.

(Maneni tapak 9 nung...)

TKM-i Northeast atema mera tajung agidar

Dimapur, Monupii/May 14, 2021 (TYO): Northeast tesem nung customer experience tajungba kümdaktsüsü asoshi mapatongtem tenzükja sales tsütsü temelenshi adokdar, ta Toyota Kirloskar Motor (TKM) sangdong ka ajanga metetdaksü.

TKM-isa, Northeast tesem nung 'customer outreach program' tem takok ngua renloka aoba indang lepishia metetdaksü, koba customer timba dangi TKM indang product aser service tem agütsüsü nükjiding yur inyaker.

Customer tem atema TKM-i mezüing mapatong tenzüksüba

sülen, pre-sales nungi after-sales jenjang nung customer tem tajangshiba tajungba kümtsüsü asoshi TKM-i meratem agidar. Iba den külemi, product tem mela mela angutsü mechi, taoba küm (2020) October ita TKM-i India nung mezüing regional stockyard ka Guwahati (Assam) nung lapktsüogo. Northeast tesem ajunga nung product tem yokba network tajung amenoktetba dak alia, Northeast state balala kübok meta talanglang nung lapoka aliba dealer tem tashi nüngdakbatem anogo/mapang tajemba agia (Anogo 2 tashi nung) tongtsüsü asoshi iba

stockyard yagi kanga nungitdar. Iba ajanga customer tem peladaktsür.

Manipur state tashi 'standard procedure' inyakyim ama gari tasentem belentsü asoshi TKM-i lenmang ajanga item gari belentsü maparen tenzüksüogo. Lenmang ajanga Manipur tashi gari tasentem belentsü maparen tenzükba sülen 'pilot project' ka takok ngua amenokogo. Iba project dak sendakba nung Toyota gari tasentem Punya Toyota (Imphal nung TKM indang dealer partner) tashi bener arutsür aser iba atema customer temi telangzüba tajung agütsüogo.

Monyakahu Town nung ki ka shibangtsür

Mon, Monupii/May 14, 2021 (TYO): COVID-19 wara prokba nokdangtsü atema mera tapet agia, Brehostibarnü (13.05.2021) SDO Monyakshu, Tsidi, NCS-i sangdong ka ajanga, osang tejangja ka

magütsü tashi Monyakshu Town kübok House No. 50 shibangtsü tetuyuba agütsüogo.

Anüngji, iba tetuyuba dak sendakba nung nisung kari danga aibelenra, Indian Penal Code indang Section 188 kübok

aser tanga oziing agi melaba ama merenshiba dak alia, Disaster Management Act 2005 indang Sections 51 nungi 60 agüja aliba tashi amshia temerenshi agütsüsü, ta kasa sangdong nung shia lir.

MediaTek Helio G35 aketba Realme C20A saya

New Delhi, Monupii/May 14, 2021 (Agencies): Entry-level smartphone ka ama teshimtet shishilembadak Realme C20A sayaogo. Iba phone tereprangtsü aser specification tem Realme C20 indang rebranded version ka ama lir, koba April ita India nung mezüing sayaa liasü.

Realme C20A nunga C20 ama MediaTek Helio G35 chipset aser 5,000mAh battery dena lir. Iba phone ya Cool Blue aser Cool Grey sentsü den storage model ka nung angutsü. Realme C20A nung 6.5-inch HD+ IPS display den 20:9 aspect ratio aser tejaklen waterdrop-style notch nung

selfie camera ka inoka yanglutsüogo.

Specification tsütsü reprangdangra, MediaTek Helio G35 processor aketba phone nung 2GB RAM aser 32GB onboard storage angutsü, koba microSD card ka ajanga 256GB tashi atsülanga amshitetsü.

Iba smartphone tesülen 8-megapixel camera ka den f/2.0 aperture aser LED flash inokja lir. Selfies aser video calling atema phone tejaklen 5-megapixel shooter ka angutsü. Selfie camera yagi portrait mode, timelapse, panoramic view, beauty mode, HDR, face recognition aser tanga feature

aika support asütsü. Ano külen, tesülen primary camera nung HDR, ultra-macro, AI beauty, filter aser chroma boost inoktsüogo.

Realme C20 nung 5,000mAh battery ka dena lir aser battery yagi reverse charging support asür. Company-i ashiba agi, standby nung iba phone ya anogo 43 tashi alir.

Maneni, tanga feature tsütsü reprangdangra, Realme C20A nung 4G LTE, Wi-Fi 802.11 b/g/n, Bluetooth v5, GPS/A-GPS aser 3.5mm headphone jack angutsü. Iba phone touzük gram 190 alitsü. Realme C20A - 2GB + 32GB storage variant jenjang sen 7,800 alitsü.

India nung Aprilia SXR 125 scooter saya



New Delhi, Monupii/May 14, 2021 (Agencies): Italy indang two wheeler yangluba company Aprilia-i India nung SXR 125 scooter sayaogo. Iba scooter jenjang sen lakh 1.15 lakh (ex-showroom) alitsü.

Aprilia SXR 125 ya Aprilia SXR 160 nung amendaker yanglu, koba taoba küm December ita India nung sen lakh

1.26 (ex-showroom) yong iba scooter (SXR 160) sayaa liasü.

Tang teyokdak aliba Aprilia SR 125 ama Aprilia SXR 125 nunga engine kasa angutsü. SXR 125 nung three-valve air-cooled unit engine inoka yanglutsüogo, koba ajanga 9.5 hp aser 9.2 Nm torque agütsür. Ajisüaka, design tsütsü SXR 125 tereprangtsü SXR 160 ama

lir. Iba scooter nung bodywork aser headlamp design anaprongla SXR 160 ama angutsü.

SXR 125 nung headlamp ji LED unit alitsü. Tanga feature tsütsü reprangdangra, iba scooter nung USB charging port, digital instrument cluster, telescopic front forks, tesülen monoshock suspension, 12-inch alloy wheels aser optional Bluetooth connectivity system inoka yanglutsüogo.

Teküzmüksü atema, iba scooter nung ABS system melana Combi-brake System (CBS) inoktsüogo. SXR 125 ya Matt Black, Glossy White, Matt Blue aser Glossy Red sentsü nung angutsü.

Aprilia-i iba scooter jelia mekaa ayutsü atema lapoktsüogo aser tejangrartemi sen 5000 agi online ajanga company website mesüra dealership nung jelia mekaa ayutsü akok. Shishilembadak, SXR 125 yagi Suzuki Burgman 125 den tokteptsü.

MULUNG NEN O



ASO:
28.04.1942

ASÜ:
02.05.2021

Asür Sentitoshi Jamir (Mongsenyimti) iba akümlü nungi pila orr onok mangyim jashi nung aliba mapang, shirnokisa nübu aser osang-ola agitepba ajanga ozü dang temeim sayua aser nungita yariogo, nenok ajak dang asür kinungertemi pelaba lemsateper.

Tsüngremer temoatsütem nenok den liangma ta ozüi sarasademtsür.

Bhandari BTF senden agiogo



Bhandari, Monupii/May 14, 2021 (TYO): Brehostibarnü (13.05.2021), ADC Conference Hall, Bhandari nung Block Task Force on COVID-19, Bhandari Sub-division rongdak senden ka menogo, ta sangdong ka ajanga metetdaksü.

Bhandari Sub-division nung iba wara prokba azüoktsü meratem agitsü asoshi iba senden ayongzüka liasü.

Iba senden nung mendenbuba, ADC, Bhandari aser Chairman BTF Tiameren Chang, NCS-i, nübur nem Covid-19 dak sendakba service tem agütsüba jenjang aser iba wara anema raratsü asoshi renemshia alitsü indang nung asadangshia jemi.

Tang, CHC Bhandari nung lapoka aliba center (yipden pungo) dak alia, Covid Care Centre timba lapoktsü nüngdakba indang ADC-i telok dang metetdaksü.

Covid-19 Care Centre lapoktsü atema Bhandari village anasa Amnesty Centre, BM rest house Merapani (Marachü)

aser Eloë Hoho Office building Bhandari amshitsü telok bangjemtepogo. Iba telemtetba dak sendakba nung buliding tem jangjatsü/reprangshimtsü atema SDO(C) Bhandari, Sulanthung Lotha nem maparen nüngloktsüogo.

Kasa senden nung, Bhandari aser Merapani village (Marachü Yan) tesem nung tapi agi Covid-19 tendangtsü dak sendakba nung telok olemtepa liasü aser medical team temi tashidak tsüingsü bushiba maparen temer sülen dokan kiburtem mezüing Covid-19 test agitsü aser sample bendentsü atema mobile vehicle agütsüsü asoshi teloki lemtet.

Maneni, iba senden nung tapi agi Covid-19 tendangba maparen süsümedema achaayangtsü asoshi Police, Dobashis aser Kaketshir tentetemi medical team yaritsüla ta telokisa lemtetogo. Iba den külemi, Sorkar ajanga teyuba COVID-19 SOPs nung ajaki anidaktsü asoshi item telok yagi mittsü, ta kasa sangdong nung shia lir.

KP Sharma Oli asemben Nepal ... (Tapak 8 nungi...)

Tang sorkar tentetsü atema vote 136 nüngdaker. Arrla 76 (5) nung aliba ama party temi sorkar tasen ka mekumtetra mesüra iba temzüing kübok shimtetba ato kilonser-i vote of confidence mongutetra, tang temendak Ato Kilonser-i Tir dang parliament shibangja ita trok tsüingta general election agitsü anogo sangdongdaksütsü.

Sorkar tenteta aliba Nepal Communist Party (NCP) tsüingta tashi raktepba mapang Ato Kilonser Oli-i ashiba nung

ajemdaker Tir Bhandari-i taoba küm December 20 nü Parliament shibangja April 30 aser May 10 nung election agitsü sangdonga Nepal yimtenren kanga mejungi akum.

Oli-i House shibangtsüsü merangba ajanga NCP nung pa den toktepsang Prachanda-i anir longkak aita liasü. Saka February ita Nepal nung court tematibai shibangja aliba House tanaben amenokja Oli-i arrsanga election agitsü sentong aliba nung tetsüdaksü ajuru.

'Central contract' nung Phillips aser Mitchell denogo

New Delhi, Monupii/May 14, 2021 (Agencies): ODI batsman Glenn Phillips aser all-rounder Daryl Mitchell naprongla New Zealand Cricket indang 'centrally contracted players' list nung denogo. Iba contract list nung asayar ana tenüing bendenlokba ya tang mezüing alitsü.

Ajisüaka, külem asayar Test spinner Ajaz Patel, shiba England Tour atema New Zealand squad den taruba hopta ayamesoa aotsü, küm ka sülen züngsem 20 dena aliba list nungi pa agienogo.

Iba list ya New Zealand coach Gary Stead aser selector Gavin Larsen nati achaayanga liasü. Format asempronlga nung asayatem shilem agiba ajak tenati asadangshir. Stead aser Larsen nati tarutsü nung asayatem parnok ranking asadangshia taa agütsütsü asoshi tebilemba lemsatepogo.

Arishi küm 32 tain Patel, shiba left-arm spinner ka lir, taoba domestic season asaya timbaka nung pa yirua dang aliba ajanga ranking metongteti iba list nungi agienadok.

Twenty20 international asayamung nung Phillips-i junga asayaogo. Innings 12 nung pai run 366 yanglua lir (average 40.66 aser strike rate 185). West Indies, Pakistan, Australia aser Bangladesh team den New

Zealand pur home series asayaba mapang Phillips-i iba jenjang ajangzüketet.

West Indies aser New Zealand T20 asayaba mapang, Phillips-i ball 46 nung century yanglua lir. T20 international asayamung nung New Zealand batsman rongnung pai iba alizüing mezüing tongtet.

Colin de Grandhomme yirur aliba mapang, New Zealand test aser one-day team nung medium pacer Mitchell-i 'all-rounder' asayar ka ama shilem agiogo. Pakistan den Test asayaba mapang, Mitchell-i ball 112 nungi mezüing test century yanglutet aser Bangladesh den ODI asayaba mapang Mitchell-isa ball 92 nungi century yanglua liasü.

"Taoba küm tsüklawa mongpu mapang, asayamung balala nung Daryl aser Glenn nati jenjang balaka nung asayaogo aser tena sempet ajanga team pur nungitogo," ta Larsen-i ashi.

"Iba season ajunga nung Black Caps puri kodanga majangshidangba takok tajung nguogo aser iba ya mezüing alitsü. Iba den külemi, asayar talisa Kyle Jamieson aser Devon Conway nati taoba küm mezüing contract agizüker sülen nungi team nungi junga asaya arudar," ta pai ashi.

"Taoba küm season tenzüker

külen nungi format asempronlga nung asayatem shilem agiba asadanga arur sülen, asayar karbosa list nung anioktsü/bendenloktsüsa aküm aser tia makai item asayar melen Ajaz agientsüsa kümadok," ta Larsen-i shisem.

Larsen-i ashiba agi, Ajaz ya spinner tajung ka ta selector temi meteta lir. Tongtibangsa, bendanglen pai junga asaya aruogo, anungji tarutsü nung pai maneni tajungba asayatsü teimla ayur. Wicketkeeper tejen BJ Watling-i Cricket asaya nungi anenba ajanga, Test asayamung atema New Zealand team nung Tom Blundell anioktsü tebilemba lir.

Taruba ita New Zealand-i England nung Test ana asayatsü renemdar. Iba sülen, June 18, 2021 nungi tenzüka Southampton nung Black Caps puri India team den World Test Championship final asayatsü.

New Zealand indang contract player rongnung Tom Blundell, Trent Boult, Devon Conway, Colin de Grandhomme, Lockie Ferguson, Martin Guptill, Matt Henry, Kyle Jamieson, Tom Latham, Daryl Mitchell, Henry Nicholls, Jimmy Neesham, Glenn Phillips, Mitchell Santner, Ish Sodhi, Tim Southee, Ross Taylor, Neil Wagner, Kane Williamson, Will Young dena lir.

Italian Open: Nadal semi final-i iogo



Rome, Monupii/May 14, 2021 (Agencies):

Hokolbarnü, Italian Open tebur kija quarter final asaya nung, iba asayamung tukuben takok angusang, Rafael Nadal-i Alexander Zverev madak 6-3, 6-4 agi takok ngua semi-final tongogo.

Taoba hopta Madrid Open 'last eight' nung seed tanabuba Nadal-i Zverev makok, saka Hokolbarnü Italian Open nung pai Germany nung Zverev nem maongka magütsü asaya liasü.

"Asayar tajung ka den asaya takok anguba ya ni atema tongtibang lir," ta Nadal-i ashi. Brehostibarnü, tebur kija quarter final asaya nung arishi küm 34 tain Nadal-isa Denis Shapovalov tsükdaktsü.

Iba asayamung final tongtettsü atema Nadal-i America nung Reilly Opelka den semi final asayatsü.

Kasa asayamung tebur kija quarter final asaya tanga ka nung, world no 47 Opelka-i 7-5, 7-6 (7/2) agi Argentina nung qualifier Federico Delbonis tsükdaktsüogo. Iba asayamung nung Opelka-i mezüing Masters semi final tongteter alitsü.

Novak Djokovic indang 36 ATP Masters 1000 title record meneptsü atema Nadal-i asaya ana akoktsüla.

Kasa mapang, Nadal-i kija asayamung nung pezübenbuba atema 10 mesüra iba dak timba title angutsü merangdar. Nadal-i Roland Garros (13), Barcelona (12) aser Monte Carlo (11) nung title 10 dak tema ajangzüketteta lir.

Ano külen, taoba hopta Madrid Open nung arishi küm 24 tain Zverev-i title tanabuba akokba sülen, pai asaya tenet tashi atonga takok ngua asayaogo.

Thitemer aliba 'IPL 2021' UK nung asayatetsü: Pietersen



London, Monupii/May 14, 2021 (Agencies): Taoba mapang England captain Kevin Pietersen-i taküm indang thitemer aliba Indian Premier League tanüingba match tem UAE melena September ita United Kingdom nung asayadaktsünüa bilemba lemsatep.

England nung India den Test series asaya pungo temer sülen (September 14 nü atemtsü) September ita maongka angutsü aser UK nung tanüingba IPL asayara kanga ajungtsü ta Pietersen-i bilemer.

"September ita Indian Premier League asayamung tanüingba match tema asayatsü asoshi UAE ya tesem tetemjen

ka ama jembiba angazükogo, saka IPL ya UK-i belener aotsüla. England aser India tsüngda Test series temer sülen September ita anogo tazüingla kar adoktsü. Iba mapang India nungi asayar tajung ajak England tonger alitsü, kasa mapang England nung asayar tajung ajak asaya atema renemer alitsü," ta Betway nung Pietersen-i lemsatepa liasü.

Arishi küm 40 tain 'right-handed' batsman, shiba mapang tatsüka atema England captain ama inyaka liasü, pai ashiba agi, England nung Cricket asayamung tem ayaonga asayatsü asoshi September ita ya mongpu tetemjen asütsü.

"UK nung September tom nungi tatem tashi asayatem atema mapang tajungtiba lir. Parnoki (Indian Premier League ayongertem) Manchester, Leeds, Birmingham aser London kübok moapu ana nung iba asaya ayonga asayatetsü akok. Iba asaya mapang tereprangertem melatsü lenmang karbo adoktsü aser tsüingsang mopung-a tajung alitsü. Taoba nung IPL asayamung ya UAE; South Africa nung asayaogo aser taküm indang tanüingba IPL asayatem ayonga asayatsü asoshi England ya tesem tetemjen ka asütsü ta ni bilemer," ta Pietersen-i ashi.

Tesüiba anogo ishika nungi thinner aliba Indian Premier League indang tanüingba asaya 31 tashi ayongzüktsü asoshi English County pezü - Middlesex, Surrey, Warwickshire aser Lancashire nungeri janraba lemsatepba sülen, Pietersen-i UK nung IPL ayongzüktsü asoshi tebilemba lemsatep.

IPL franchise indang bio-bubble ana tashi nung asayar aser support staff kar dak COVID-19 positive putetba sülen, iba asayamung thinenja liasü.

T20 World Cup nung team 4 bendenloktsü

New Delhi, Monupii/May 14, 2021 (Agencies): International Cricket Council (ICC)-i T20 World Cup nung team 16 nungi team 20 tashi kümtsütsü tebilemba lir, ta sangdong ka ajanga metetdaksü.

T20 World Cup 2021, koba India nung asayatsü terenemba lir, iba asayamung renemba ama linük nung ayonga asayatsü. 2024 küm nungi iba asayamung nung team talila pezü tashi bendenloktsü asalentong yangludat, ta ESPNcricinfo sangdong ka ajanga metetdaksü.

Iba den bendenloksema, 50-over World Cup asayamung nunga ICC-i team timba kümtsütsü asoshi asadangdar.

2019 küm Cricket World Cup asayamung nung team 14 nungi team 10 tashi ajemtsü. Team tajung aser tashimait team tsüngda asayaba match

tem ajemtsütsü mechi broadcaster tem mangatetep adokba ajanga World Cup asayamung nung team tajemba shilem agidaktsütsü lemteta liasü.

Ajisüaka, taruba World Cup (50 overs) nungi team 14 tashi atsülangtsü asoshi jembishinüdar. T20 World Cup ya taküm October aser November tsüngda asayatsü, saka tang India nung Covid-19 wara tanaben adoka nüburtem iba tashidak agi timtemba ajanga iba asayamung India nung ayonga asayatsü asoshi osang mejangjateti lir.

Covid-19 wara kanga mejungi akümba ajanga, taoba hopta tetenzüklen Indian Premier League (IPL) asayamung thitsütsü lemtet. Iba asayamung tanüingba match asayatsü atema United Arab Emirates-i belener aotsü tebilemba lir.

BILEMDANGANG

"Nü nikjidong atongtsü inyakang, ajita mesüra tangar kar nukjidong atongtsü atema na inyaktsü."